




СВЯТЫЙ КНЯЗЬ
АЛЕКСАНДРЕ,
МОЙ БОГ
О НАС!

Сборник Святой княже Александре, моли Бога о нас!

Текст предоставлен правообладателем

http://www.litres.ru/pages/biblio_book/?art=498755

Святой княже Александре, моли Бога о нас!: Сибирская Благовонница; Москва; 2007

ISBN 978-5-91362-010-1

Аннотация

В книге содержатся житие и подвиги святого благоверного Князя Александра Невского, чинопоследование молебна с акафистом ему, а также замечательные слова свт. Феофана Затворника, произнесенные в дни памяти святого, в которых проповедник подчеркивает благой пример ревности святого князя по вере и твердости в исповедании Православия.

Содержание

Последование молебна с акафистом святому благоверному князю Александру Невскому в схиме Алексию	4
Молебен с акафистом святому Александру Невскому	5
Акафист святому благоверному великому князю Александру Невскому	7
Тропари и кондаки святому благоверному князю Александру Невскому	18
Сказание о жизни и подвигах святого благоверного Великого Князя Александра Невского	20
Сказание о жизни и подвигах святого Александра Невского	21
Конец ознакомительного фрагмента.	22

**Под общей редакцией
митрополита Ташкентского и
Среднеазиатского Владимира
Святой княже Александре,
моли Бога о нас!**

**Последование молебна с акафистом
святому благоверному князю
Александру Невскому в схиме Алексию**



Святой Александр Невский

Молебен с акафистом святому Александру Невскому



Диакон: Благослови, Владыко.

Священник: Благословен Бог наш всегда, ныне и присно, и во веки веков.

Хор: Аминь.

Диакон: Слава Тебе, Боже наш, слава Тебе.

Хор: Царю Небесный, / Утешителю, Душе истины, / Иже везде сый / и вся исполняй, / Сокровище благих / и жизни Подателю, / прииди и вселися в ны, / и очисти ны от всякия скверны, / и спаси, Блаже, души наша.

Глас 4:

Диакон: Бог Господь и явися нам, благословен грядый во имя Господне.

Стих 1: Исповедайтесь Господеву, яко благ, яко в век милость Его.

Хор: Бог Господь и явися нам, благословен грядый во имя Господне.

Стих 2: Обышедше обыдоша мя, и именем Господним противляхся им.

Хор: Бог Господь и явися нам, благословен грядый во имя Господне.

Стих 3: Не умру, но жив буду, и повем дела Господня.

Хор: Бог Господь и явися нам, благословен грядый во имя Господне.

Стих 4: Камень, егоже небрегоша зиждущий, сей бысть во главу угла: от Господа бысть сей, и есть дивен во очесех наших.

Хор: Бог Господь и явися нам, благословен грядый во имя Господне.

Тропарь святого, глас 4:

Яко благочестиваго корене / пречестная отрасль был еси, блаженне Александре: / яви бо ты Христос, / яко некое Божественное сокровище Российстей земли, / новаго чудотворца, преславна и Богоприятна. / И днесь сошедшеся в память твою верою и любовию, / во псалмех и пениих радуящися, славим Господа, / давшего тебе благодать исцелений, / Егоже моли спасти град сей, / и державе Российской Богоугодней быти, / и сыновом Российским спастися. (Дважды)

Слава Отцу и Сыну и Святому Духу, и ныне, и присно, и во веки веков. Аминь.

Кондак, глас 8:

Яко звезду́ ты пресвѣтлу, почита́ем, / от восто́ка возсия́вшую и на запа́д прише́дшую: /
всю бо страну́ сию́ чудесы́ и добро́тою обогаща́еши / и просвеща́еши ве́рою чту́щая память
твою́, Александре блаже́нне. / Сего́ ради днёсь праж́днуем твоё успе́ние, лю́дие твои́ су́щии: /
моли́ спасти́ Оте́чество твоё и вся притека́ющия к раце мо́щей твои́х / и ве́рно вопи́ющия
ти: / ра́дуйся, гра́ду на́шему утвержде́ние.

Запевы трижды:

Духовенство: Святы́й благове́рный вели́кий кня́же Алексáндре, моли́ Бо́га о нас.

Хор: Святы́й благове́рный вели́кий кня́же Алексáндре, моли́ Бо́га о нас.

Духовенство: Сла́ва Отцу́ и Сы́ну и Свято́му Ду́ху.

Хор: И ны́не и при́сно и во ве́ки веко́в. Ами́нь.

Акафист святому благоверному великому князю Александру Невскому



Кондак 1

Избранному воеводе земли Россійский, свѣтлomu украшѣнію Цѣркве Православныя, святому благоверному великому князю Александру Невскому, похвальная восписующе, яко вѣрою врагѣ, видимыя же и невидимыя, побѣдившему, и в верѣ своей, по реченію апостолу, добродетель, в добродетели же разум, в разуме же воздержаніе, в воздержаніи же терпение, в терпении же благочестіе, братолубіе и любовь явившему, со умиленіем и радостию возопіим: радуйся, святой благоверный великий княже Александре.

Икос 1

Со Ангелы и всеми святыми предстоиши ныне Христу, блаженне Александре, моляся о любовью чтущихъ тя: темже, поминающе, яко измлада Христа возлюбив, к небеснымъ духомъ прилепился еси, безплотныхъ подражавъ житію, ублажаемъ тя, вопиюще:

Радуйся, корене благочестиваго отрасли пречестная.

Радуйся, благоверія предковъ наследниче.

Радуйся, добродетелей отца боголюбиваго подражателю.

Радуйся, кротости и благочестія матерняго преемниче.

Радуйся, вождю к небесѣмъ стада своего христоролюбиваго.

Радуйся, в житіи всехъ рабовъ Божиихъ друже и ревнителей благочестія собесѣдниче.

Радуйся, преподобныхъ лика богосвѣтлаго сопрічастниче.

Радуйся, веры Христовы непобѣдимый исповѣдниче.

Радуйся, волею мучениче, сликовствуяй ныне сонму мучениковъ добропобѣдному.

Радуйся, христіанскаго упованія и любви всемъ намъ девственныи проповѣдниче.

Радуйся, уставовъ и чина церковнаго благолѣпнаго ревнителю.

Радуйся, верныхъ чадъ Цѣркве и угодниковъ Божиихъ сонаслѣдниче.

Радуйся, святой благоверный великий княже Александре.

Кондак 2

Видевше лепоту лица и телеснаго возраста твоего, новоградстии людие радовахуся и славляху Бога, взирающе на тя: мы же, поминающе светлейшия паче солнца добродетели твоя, блаженне Александре, прославившему тя Господеву поим: Алилуиа.

Икос 2

Разумел еси, богомудре Александре, яко преходит образ мира сего, едино же есть на потребу человеком, еже благоугодити Господеву: сего ради измлада от любви к миру и яже в мире уклонился еси, вожделем же zde сущими стяжати небесная, яко верный раб, Господу во всем житии неленостно послужил еси. Темже вопием ти:

Радуйся, подвижнице веры, угождение Богу паче всего предызбранный.
Радуйся, подобне Аврааму во всем житии непорочно пред Богом поживый.
Радуйся, Исааково послушание показавый;
Радуйся, путем Иаковля смиренномудрия ходивый.
Радуйся, Иосифову чистоту и целомудрие стяжавый;
Радуйся, Моисееву любовь к людям своим в себе явивый.
Радуйся, якоже Самуил чиста себе от всякаго любостяжания соблюдавый;
Радуйся, кротостию Давидовою враги своя победивый.
Радуйся, Петровой пламенной вере поревновавый;
Радуйся, с Павлом игу Христову себе поработивый.
Радуйся, богомудрие Иоанново подвигом поучения в слове Божиим снискавый;
Радуйся, многих святых добродетели в себе совокупивый.
Радуйся, святой благоверный великий княже Александре.

Кондак 3

Силою веры стяжал еси, блаженне Александре, высшее любомудрие, егоже ради, презирая плоть, прилежал еси о души бессмертной: темже ублажающе тя, яко стяжавша ныне бессмертие, вопием прославившему тя Христу: Аллилуиа.

Икос 3

Имеяй всегда пред очима своим Господа, трезвенно пожил еси, блаженне Александре, и вся яже творил еси, творя во славу Божию, угодил еси Богу, Ему же предстоиши ныне с лики от века угодивших: темже радующеся о тебе, зовем ти:

Радуйся, истиннаго трезвения подвижнице;
Радуйся, спасительнаго созерцания любителю.
Радуйся, наставниче наш в подвиге от мира удаления;
Радуйся, стяжателью совершеннаго дара бодрствования тебе внимания.
Радуйся, всякаго безсловеснаго вождения твердый противоборниче;
Радуйся, благочестия добрый подвижнице, преуспевый в разуме и деянии.
Радуйся, яко силою молитвы препобедил еси диавольская искушения;
Радуйся, яко себе от греха оградил еси последних воспоминанием.
Радуйся, яко возлюбил еси душею еже о небесных помышлении;
Радуйся, яко преуспел еси в неленостных яже к Богу молитвенных предстояниях.

Радуйся, яко все житие свое освящал еси непрестанным Имене Вожия призыванием;
Радуйся, яко угождал еси Господеву всяким благоугождением.
Радуйся, святой благоверный великий княже Александре.

Кондак 4

Бури искушений воздвигоша врази и противу тебе, блаженне Александре. Ты же пре-
победил еси сия силою благодати Христовы: темже ныне, к тихому пристанищу притек, с
лики искушенных в мире, победивших же мир, вопиешу Христу: Аллилуиа.

Икос 4

Слышав Павла, глаголюща: «Всяк подвижаяйся от всех воздержится», вся в уметы вме-
нил еси, блаженне Александре, да Христа приобрящещи: подвигами же отвержения себе и
ко благим делом принуждения стяжал еси свободу славы чад Божиих: темже ублажающе тя,
вопием ти таковая:

Радуйся, образ отвержения себе нам показавый;
Радуйся, ношению креста в последовании Христу нас научивый.
Радуйся, плоть со страстьми и похотьми ея поправый;
Радуйся, житием твоим суету мира обличивый.
Радуйся, всякое пристрастие земное от себе отгнавый;
Радуйся, разум свой в послушание веры пленивый.
Радуйся, волею своею благое иго заповедей Христовых подъявый;
Радуйся, сердце свое от всякия страсти душевредныя чисто сохранивый.
Радуйся, себе Богу всесовершенно предавый;
Радуйся, чрез все житие свое Богу послуживый.
Радуйся, совершением заповедей любовь к себе Божию стяжавый;
Радуйся, наследие Царствия благоугождением Богу улучивый.
Радуйся, святой благоверный великий княже Александре.

Кондак 5

Боготечною звездою прешел еси в мире, блаженне Александре, блистающ славою и
добродетелию: темже ныне сияеши на Небесех славою вечною с лики праведник, с нимиже
выну воспеваеши Христу: Аллилуиа.

Икос 5

Видевше тя, блаженне Александре, николиже во бранех побеждаема, всегда же побеж-
дающа, невернии единого имени твоего устрахуся, мы же, поминающе исполненное веры
мужество твое, ублажаем тя, глаголюще:

Радуйся, доблественный в защиту веры и Церкви воителю;
Радуйся, своя земли мужественный защитителю.
Радуйся, наветов вражиих мудрый разорителю;
Радуйся, мира беспомощных сильный оградителю.
Радуйся, воинства свейскаго на берегах Невских славный победителю;
Радуйся, безопасности вся северныя страны земли Российския охранителю.
Радуйся, злых козней иноверия, подвигших чуждую рать на землю нашу, разрушителю;

Радуйся, законов правды богоукрепляемый утвердителю.
Радуйся, Пскова, отчества святыя Ольги, свободителю;
Радуйся, ненавидевших мира умирителю.
Радуйся, буйства неустроенныя в тыя дни Литвы укротителю;
Радуйся, во всех сих бранех христоролюбиваго воинства своего мудрый предводителю.
Радуйся, святой благоверный великий княже Александре.

Кондак 6

Проповедника кротости и терпения явил еси себе, блаженне Александре, посреди преславных побед твоих: темже и стяжал еси сугубый венец от Царя Христа, Емуже предстоиши ныне, вопия: Аллилуиа.

Икос 6

Провозсиял еси, блаженне Александре, паче мужества, терпением твоим, егоже стяжал еси, взирая на Начальника веры и Совершителя Иисуса, Иже вместо предлежащая ему радости претерпе Крест: темже восхваляюще тя, усердно вопием:

Радуйся, до конца в подвизех служения Богу претерпевый;
Радуйся, терпению Христову верно подражавый.
Радуйся, силу заповеди Христовы, яже о любви ко врагом, премудро уразумевый;
Радуйся, и согрешшим противу тебе избавленным тобою людям любовь истинную показавый.
Радуйся, во искушении от народа своего хитрость лукавого прозревый;
Радуйся, мирным отбытием своим из земли своя злобу врага поправый.
Радуйся, и во всем житии своем ухищрения сатаны проразумевый;
Радуйся, злое благим, по апостолу, выну препобеждавый.
Радуйся, паки, в годину скорби, в помощь оскорбившему тя Новуграду предуспевый;
Радуйся, сего ради пламенную любовь от народа своего себе снискавый.
Радуйся, Божия посещения, болезни и лишения, со упованием терпевый;
Радуйся, сего ради светлый венец от Господа стяжавый.
Радуйся, святой благоверный великий княже Александре.

Кондак 7

Хотяй провозсияти тебе всеми добродетельми, блаженне Александре, Владыка Христос призвал есть тебе к служению людям своим во дни посещения: ты же притяжал еси к терпению смирение, егоже ради ныне превознесен еси, предстоя Богу с песнию: Аллилуиа.

Икос 7

Дивно бе видети, како непобедимый воитель смиренно преклоняет главу свою пред неверными, ихже посла Господь на люди своя ради грех их: дивно же есть и воспомнати непобедимое смирение твое, блаженне Александре, имже и Господеву благоугодил еси, и люди своя спасл еси. Темже благодарно вопием ти:

Радуйся, смирения Господня подражателю;
Радуйся, подобающаго богопоставленным влаstem почитания учителю.
Радуйся, всякаго превозношения противоборче;

Радуйся, истинного послушания подвижнике.
Радуйся, всем нам образе верного Богу служения;
Радуйся, начальствующим наставнике в богоприятном людем предстоянии.
Радуйся, подвластных руководителю в богозаповеданном предержащим влаstem повиновении;
Радуйся, яко многажды ради блага людей своих путьшествовал еси к безбожным, ни во чтоже вменяя яже от них испытания.
Радуйся, яко не утрашился еси, призвав Бога, прийти к Батыеви, исполняя его веление;
Радуйся, яко многащи воспринимал еси на себе страшный ответ о неразумных народа своего востаниих.
Радуйся, яко оградил еси люди твоя от зловерднаго с неверными общения;
Радуйся, яко мудре оградил еси в земли своей отеческия доблести и предания.
Радуйся, святой благоверный великий княже Александре.

Кондак 8

Странническое житие прешел еси на земли, блаженне Александре, не ведый покоя в трудах своих и не имый zde пребывающаго града, но грядущаго взыскауй: сего ради ныне, блаженне, вселился еси в вечных обителях, выну поя Богу: Аллилуиа.

Икос 8

Всею душею послужив Господу и всем житием своим благоугодив ему, прославился еси благочестием, егоже ради и исповедник явился еси веры Христовы, блаженне Александре: поминающе убо подвиг исповедничества твоего, вопием ти:
Радуйся, злобы неверных не утрашивыйся;
Радуйся, твари паче Создавшаго не послуживый.
Радуйся, солнцу и огню в стане безбожных не поклонивыйся;
Радуйся, веру свою во искушении сохранивый.
Радуйся, велению безбожному не покоривыйся;
Радуйся, твердый проповедник веры пред неверными себе явивый.
Радуйся, с сугубою славою, по исповедании своем, в землю свою возвративыйся;
Радуйся, во всем житии верным вере отцев пребывый.
Радуйся, от лести иноверия премудре уклонивыйся;
Радуйся, лукавство проповедников лжеверия яве обличивый.
Радуйся, твердый защитник правоверия явивыйся;
Радуйся, лжесловесие врагов Православия словом здоровым препобедивый.
Радуйся, святой благоверный великий княже Александре.

Кондак 9

Всего себе повинув Богови, яко раб благий и верный послужил еси Ему, блаженне Александре, паче сверстник твоих для земли твоея потрудився: темже и внити сподобился еси в радость Господа своего, Емуже предстоиши ныне, со Ангелы поя: Аллилуиа.

Икос 9

Витийствующий язык не возмогл бы восхвалити дела твоя, блаженне Александре, яже совершил еси, полагая по братии душу свою: смиренно убо поминающе сицевая исправления твоя, умиленную песнь приносим ти, глаголюще:

Радуйся, братолюбия христианскаго приискренний ревнителю;

Радуйся, Моисеевы и Павловы любве ко братии подражателю.

Радуйся, заповедей Христовых яже о любви верный исполнитель;

Радуйся, и всех нас в любви к присным дивный наставниче.

Радуйся, примером своим паче слова явивыйся стяжающихся о наследии братии своих примиритель;

Радуйся, о благе народа усердно в житии своем пекийся.

Радуйся, общаго мира во днех своих устроителю;

Радуйся, изгнаннаго страхом нашествий татарских народа своего собирателю.

Радуйся, беспомощных присный защитителю;

Радуйся, нищих и алчущих питателю.

Радуйся, сирых сильный покровителю;

Радуйся, и ныне всех скорбящих и нуждающихся мощный пред Господом предстателю.

Радуйся, святой благоверный великий княже Александре.

Кондак 10

Спасти хотя душу свою, ведый же, яко не имущему любве к Богу никкими же подвигами и добродетельми улучшить спасение возможно есть, стяжал еси венец добродетелей, еже есть любовь к Богу, Ему же предстоя ныне, радостно вопиеши: Аллилуиа.

Икос 10

Царя Небеснаго возлюбив от всего сердца твоего, и от всея души твоея, и всею мыслию твоею, принесл еси Ему, блаженне Александре, последи многоразличных приношений веры и усердия, себе самага в жертву живу, святу, благоугодну: темже ублажающе тя, вопием ти:

Радуйся, в житии своем всеми богоугодными делы Господеви послуживый;

Радуйся, обетами иночества святое житие свое увенчавый.

Радуйся, многи храмы Божий, безбожными раззоренныя, обновивый;

Радуйся, к просиянию подвигов постничества обители святых созидавый.

Радуйся, подвижающихся измлада в благочестии ради Бога возлюбивый;

Радуйся, ангельский образ и себе чистою душею предызбравый.

Радуйся, в конец жития своего всего себе Богу посвятивый;

Радуйся, приятием схимы, с новым именем Алексия, всесовершенно себе Богу предавый.

Радуйся, обетом девства чистоту сердца своего явивый;

Радуйся, обетом нестяжания высоту духа своего показавый.

Радуйся, обетом послушания всецелое служение свое Единому Богу во веки утвердивый;

Радуйся, к венцу мудраго и благаго князя мзду инока притяжавый.

Радуйся, святой благоверный великий княже Александре.

Кондак 11

Пение погребальное слезами растворяшеся у гроба твоего, блаженне Александре; людие твои плакахуся о тебе, солнце земли Русския, в полудни зашедшем, и рыдания прерываху умиленную песнь их к Богу: Аллилуиа.

Икос 11

Свет славы небесныя осия тя вскоре, блаженне Александре, утешая плачущия люди твоя: темже видяще при гробе твоем знамения и чудеса, сынове российстии достойне призываху тя, яко в молитвах предстателя; мы же, понимающе скорое заступление твое, вопием ти:

Радуйся, угодниче Божий, в самом погребении прославление от Бога получивый;
Радуйся, скорый предстателю наш, егоже призываху отцы наши в нуждах и озлобленних.

Радуйся, в борьбе с татарами князю Димитрию Донскому вспоможение явивый;

Радуйся, царю Иоанну и казанцы одоление исходатаивый.

Радуйся, исцеления многоразличныя всем подавая;

Радуйся, слепым зрение молитвою твоею возвращая.

Радуйся, хромым, припадающим ко гробу твоему, хождение даруя;

Радуйся, разслабленных неможение врачуя.

Радуйся, одержимым от бесов освобождение подавая;

Радуйся, безнадежных надеждою спасения оживляя.

Радуйся, в погубльших разум разумение возставляя;

Радуйся, от гроба твоего многообразныя чудотворения присно источая.

Радуйся, святой благоверный великий княже Александре.

Кондак 12

Благодать познавше, живущую в нетленных мощех твоих, людие владимирстии с любовию прихождаху ко святей раце твоей и, радостно лобызающе ю, славляху о тебе Бога, прославляющего святых Своих, со умилением вопиюще Ему: Аллилуиа.

Икос 12

Поюще добродетели и чудеса твоя, радостию сретяху и провождаху отцы наши святое тело твое, егда, преселяхуся святые мощи твоя на новое место покаяния в славном святого Петра граде: и мы ныне, радуящиеся о небесной славе твоей и обитании нетленных мощей твоих в богоизбранном граде сем со оными вопием ти:

Радуйся, российский Иосифе, на новое место упокоения преселившийся;

Радуйся, всех концов земли Российской покровителю.

Радуйся, Петрова града благонадежное утверждение;

Радуйся, тогоже во бранех Небесный защитителю.

Радуйся, северных столицы неоцененное украшение;

Радуйся, тезоименитые тебе обители славы и утверждение.

Радуйся, народу русскому здравие же и спасение молитвами твоими подавая;

Радуйся, всех упование на тя возложивших, богомудрый учителю.

Радуйся, иноком, яко инок, полезное, примером жизни своея, наставление преподавая;

Радуйся, мирским человеком, яко в мире потрудивыйся, к добродетелем общежития руководителю.

Радуйся, нетлением своим всем нам надежду воскресения подавая;

Радуйся, всех нас в напастех и скорбех поборниче, хранителю и свободителю.

Радуйся, святой благоверный великий княже Александре.

Кондак 13

О святой благоверный великий княже Александре! От благоговейных сердец приносимую ти, аще и недостойную, хвалебную песнь сию, приими от нас, яко усердную жертву сердец, любящих тя и ублажающих святую память твою. Охраняй всех нас молитвами твоими: огради ходатайствы твоими град твой и вся люди земли Российския, да тихое и безмолвное житие поживше в нынешнем веце блаженство вечное наследим и купно с тобою и всеми святыми выну сподобимся воспевати Богу: Аллилуиа.

(Сей кондак читается трижды.)

Икос 1

Со Ангелы и всеми святыми предстоиши ныне Христу, блаженне Александре, моляся о любовию чтущих тя: темже, поминающе, яко измлада Христа возлюбив, к небесным духом прилепился еси, безплотных подражав житию, ублажаем тя, вопиюще:

Радуйся, корене благочестиваго отрасли пречестная.

Радуйся, благоверия предков наследниче.

Радуйся, добродетелей отца боголюбиваго подражателю.

Радуйся, кротости и благочестия матерняго преемниче.

Радуйся, вождю к небесам стада своего христоролюбиваго.

Радуйся, в житии всех рабов Божиих друже и ревнителей благочестия собеседниче.

Радуйся, преподобных лика богосветлаго сопричаствниче.

Радуйся, веры Христовы непобедимый исповедниче.

Радуйся, волею мучениче, сликовствуяй ныне сонму мучеников добропобедному.

Радуйся, христианскаго упования и любви всем нам девственный проповедниче.

Радуйся, уставов и чина церковнаго благолепнаго ревнителю.

Радуйся, верных чад Церкви и угодников Божиих сонаследниче.

Радуйся, святой благоверный великий княже Александре.

Кондак 1

Избранному воеводе земли Российский, светлomu украшению Церкви Православныя, святому благоверному великому князю Александру Невскому, похвальная восписующе, яко верою враги, видимыя же и невидимыя, победившему, и в вере своей, по речению апостолу, добродетель, в добродетели же разум, в разуме же воздержание, в воздержании же терпение, в терпении же благочестие, братолюбие и любовь явившему, со умилением и радостию возопиим: радуйся, святой благоверный великий княже Александре.

Диакон: Вонмем, премудрость, вонмем. Прокимен, глас четвертый:

Честна́ пред Го́сподем сме́рть преподо́бных Его́.

Хор: Честна пред Го́сподем сме́рть преподо́бных Его́.

Диакон: Чт́о возда́м Го́сподеви о́ всѣхъ, я́же возда́де ми.

Хор: Честна́ пред Го́сподем сме́рть преподо́бных Его́.

Диакон: Честна́ пред Го́сподем.

Хор: Сме́рть преподо́бных Его́.

Диакон: Го́споду помо́лимся.

Хор: Го́споди, поми́луй.

Священник: Я́ко свят еси́, Бо́же на́ш, и во святы́х почи́ваеши, и Тебе́ сла́ву возсыла́ем, Отцу́, и Сыну, и Свято́му Ду́ху, ны́не и при́сно, и во ве́ки веко́в.

Хор: Ами́нь.

Диакон: Всякое дыха́ние да хва́лит Го́спода.

Хор: Вся́кое дыха́ние да хва́лит Го́спода.

Диакон: Хва́лите Бо́га во святы́х Его́, хва́лите Его́ во утвер́жении си́лы Его́.

Хор: Вся́кое дыха́ние да хва́лит Го́спода.

Диакон: Вся́кое дыха́ние.

Хор: Да хва́лит Го́спода.

Диакон: И о сподо́битися нам слы́шанию свята́го Ева́нгелия Го́спода Бо́га мо́лим.

Хор: Го́споди, поми́луй. *(Трижды.)*

Диакон: Прему́дрость, прости, услы́шим свята́го Ева́нгелия.

Священник: Мир все́м.

Хор: И ду́хови твоему́.

Священник: От Матфе́я, свята́го Ева́нгелия чтéние.

Хор: Сла́ва Тебе́, Го́споди, сла́ва Тебе́.

Диакон: Вонмем.

Священник читает Евангелие от Матфея (зачало 43, гл. 11, ст. 27–30):

Рече́ Го́сподь Свои́м учени́комъ: Вся́ Мнѣ пре́дана су́ть Отце́м Мои́м, и никто́же зна́ет Сы́на, то́кмо Оте́ц: ни Отца́ кто́ зна́ет, то́кмо Сы́н, и ему́же а́ще во́лит Сы́н откры́ти. Прииди́те ко мнѣ всѣ́ тружда́ющиися и обремене́ннии, и А́з упоко́ю вы́. Возми́те и́го Моё на себе́, и научи́тесь от Мене́, я́ко крѣ́ток е́смь и смире́н се́рдцем: и обря́щете поко́й ду́шамъ ва́шим. И́го бо Моё́ благо, и бре́мя Моё́ легко́ е́сть.

Хор: Сла́ва Тебе́, Го́споди, сла́ва Тебе́.

Запевы трижды:

Духовенство: Святы́й благове́рный вели́кий кня́же Алекса́ндре, моли́ Бо́га о нас.

Хор: Святы́й благове́рный вели́кий кня́же Алекса́ндре, моли́ Бо́га о нас.

Духовенство: Сла́ва Отцу́ и Сы́ну и Свято́му Ду́ху.

Хор: И ны́не и при́сно и во ве́ки веко́в. Ами́нь.

Хор: Не и́мамы и́ныя по́мощи, / не и́мамы и́ныя наде́жды, / разве Тебе́, Влады́чице. / Ты нам помози́: / на Тебе́ наде́емся / и Тобо́ю хва́лимся, / Твой бо е́смы раба́, да не постыди́мся.

Диакон: Поми́луй нас, Бо́же, по вели́цей ми́лости Твое́й, мо́лим Ти́ ся, услы́ши и поми́луй.

Хор: Го́споди, поми́луй. *(Трижды.)*

Диакон: Е́ще мо́лимся о Вели́ком Госпо́дине и Отце́ на́шем святе́йшем Патриа́рхе Алекси́и, и о Госпо́дине на́шем *(имя архиерея)*, и все́й во Христе́ бра́тии на́шей.

Хор: Го́споди, поми́луй. *(Трижды.)*

Диакон: Еще мо́лимся о Богохрани́мей странé на́шей, властéх, и во́инстве ея́, да т́хое и безмолвное жити́е поживе́м во всяком благочестии и чистотé.

Хор: Го́споди, поми́луй. *(Трижды.)*

Диакон: Еще́ мо́лимся о блаженных и приснопа́мятных создáтелех свята́го хра́ма сего́ *(если во обители:* святы́я обители сея́), и о всех преждепочи́вших отце́х и бра́тиях, зде́ лежащих и повсю́ду, православных.

Хор: Го́споди, поми́луй. *(Трижды.)*

Диакон: Еще́ молимся о ми́лости, жи́зни, ми́ре, здра́вии, спасéнии, посещéнии, прощéнии и оставлénии грехов рабóв Бо́жиих, бра́тии свята́го хра́ма сего́ *(если во обители:* святы́я обители сея́).

Хор: Го́споди, поми́луй. *(Трижды.)*

Диакон: Еще́ мо́лимся Тебе́, Го́споду Бо́гу на́шему, е́же услы́шати́ся гла́су мо́ления на́шего, и моли́тве, и поми́ловати рабóв Твои́х *(имярек)* благода́тию и щедро́тами Твои́ми, и испо́лнити вся проше́ния их, и прости́ти им вся согреше́ния во́льная и нево́льная: благопри́ятным же бы́ти мо́льбам и ми́лостыням их пред престóлом влады́чества Твоего́, и покрýти их от враг ви́димых и неви́димых, от вся́кия напа́сти, бе́ды и ско́рби, и неду́гов изба́вити, и пода́ти здравие с долгоде́нствием: рцем вси, Го́споди, услы́ши и поми́луй.

Хор: Го́споди, поми́луй. *(Трижды.)*

Священник: Услы́ши ны, Бо́же, Спаси́телю наш, упова́ние всех конце́в земли́, и су́щих в мо́ри далéче: и ми́лостив, ми́лостив бу́ди, Влады́ко, о гресéх на́ших, и поми́луй ны. Ми́лостив бо и человеколюбец Бог еси́, и Тебе́ сла́ву возсыла́ем, Отцу́, и Сы́ну, и Свято́му Ду́ху, ны́не и при́сно, и во ве́ки веко́в.

Хор: Ами́нь.

Диакон: Ко свято́му благове́рному вели́кому князю Алекса́ндру Не́вскому помо́лимся.

Хор: Святы́й благове́рный вели́кий княже Алекса́ндре, моли́ Бо́га о нас.

Молитва

Священник:

Скорый помощниче всех, усердно к тебе прибегающих, и теплый наш пред Господом предстателю, святой благоверный, великий княже Александре!

Призри милостивно на ны недостойныя, многими беззаконии непотребны себе сотворшия, к раце мощей твоих *(или ко святей иконе твоей)* ныне притекающия и из глубины сердца к тебе взывающия. Ты в житии твоём ревнитель и защитник Православныя веры был еси: и нас в ней теплыми твоими к Богу молитвами непоколебимы утверди. Ты великое возложенное на тя служение тщательно проходил еси: и нас твоею помощию пребывати коегождо, в неже призван есть, настави.

Ты, победив полки супостатов, от пределов Российских отгнал еси: и на нас ополчающихся всех видимых и невидимых врагов низложи. Ты, оставив тленный венец царства земного, избрал еси безмолвное житие, и ныне праведно венцем нетленным увенчанный на Небесех царствуеши: исходатайствуй и нам, смиренно молим тя, житие тихое и безмятежное, и к Вечному Царствию шествие неуклонное твоим предстательством устрой нам.

Предстоя же со всеми святыми Престолу Божию, молися о всех православных христианах, да сохранит их Господь Бог Своею благодатию в мире, здравии, долгоденствии и всяком благополучии в должайшая лета, да присно славим и благословим Бога в Троице Святей славимаго, Отца и Сына и Святаго Духа, ныне и присно и во веки веков. Ами́нь.

Хор: Ами́нь.

Велича́ние (духовенство и хор): Велича́ем тя, / святы́й благове́рный вели́кий княже Алекса́ндре, / и чтим святу́ю па́мять твою́, / ты бо мо́лиши за нас / Христа́ Бо́га на́шего.

Диакон: Премудрость.

Священник: Пресвятая Богородице, спаси нас.

Хор: Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.

Священник: Слава Тебе, Христе Боже, упование наше, слава Тебе.

Хор: Слава Отцу и Сыну и Святому Духу, и ныне и присно и во веки веков. Аминь.

Господи, помилуй. (Трижды.) Благослови.

Священник: Христос истинный Бог наш, молитвами Пречистой своей Матере, преподобных и богоносных отец наших, святого благоверного великого князя Александра Невского и всех святых, помилует и спасет нас, яко благ и человеколюбец.

Хор: Аминь.

Тропари и кондаки святому благоверному князю Александру Невскому



Тропарь, глас 4-й: (23 ноября)

Яко благочестиваго корене / пречестная отрасль был еси, блаженне Александре: / яви бо ты Христос, / яко некое Божественное сокровище Российстей земли, / новаго чудотворца, преславна и Богоприятна. / И днесь сошедшеся в память твою верою и любовию, / во псалмех и пении радующеся, славим Господа, / давшего тебе благодать исцелений, / Егоже моли спасти град сей, / и державе Российской Богоугодней быти, / и сыновом Российским спастися.

Кондак, глас 8-й: (23 ноября)

Яко звезду ты пресветлу, почитаем, / от востока возсиявшую и на запад пришедшую: / всю бо страну сию чудесы и добротой обогащаеши / и просвещаеши верою чтущия память твою, Александре блаженне. / Сего ради днесь празднуем твое успение, людие твой сущий: / моли спасти Отечество твое и вся притекающие к раце мощей твоих / и верно вопиющие ти: / радуйся, граду нашему утверждение.


Тропарь, глас 4-й: (30 августа)

Познай свою братию, российский Иосифе, / не в Египте, но на Небеси царствующий, / благоверный княже Александре, / и прими моления их, / умножая жита людем плодоношением земли твоея, / грады Владычества твоего ограждая молением / и православным Христианом на сопротивных споборствуя.

Кондак, глас 4-й: (30 августа)

Якоже сродницы твои Бори́с и Гле́б / яви́шася те́бе с Небесе́ в по́мощь, / подви́зajúще-
муся на Ве́лгера све́йскаго и воев его, / та́ко и ты ны́не, / блаже́нне Алексáндре, / прииди́ в
по́мощь твои́м сродником / и побори́ борю́щия ны.

Сказание о жизни и подвигах святого благоверного Великого Князя Александра Невского



Икона

Сказание о жизни и подвигах святого Александра Невского

В руце Господни власть земли, – говорит Премудрый, – и потребнаго воздвигнет во время на ней (Сир. 10, 4).

Имя Александра Невского – одно из самых славных в истории нашей страны. И не только славных, но что, пожалуй, еще значительнее, – одно из самых светлых и любимых русским народом. Героев наша история дала немало, но почти никого из них не вспоминают потомки с таким теплым чувством, как Александра. Он много потрудился для Русской земли и мечом и умом – вклад его в строительство Российского государства бесценен.

Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.